



سوء استفاده از جیهزیه یا بُغچه

آزار و اذیت، یا خشونت از خاطر جیهزیه یا بُغچه نوعی از خشونت خانگی است.

رسم و رواج جیهزیه و بغچه دادو مینه کشورها و فرهنگ های مختلف فرق مونه.

جیهزیه یک رواج استه که اکثرن از طرف خانواده بیری ده خانواده داماد داده موشه و ممکن که پیسه، مال یا تحفه باشه. البته استفاده ازی رسم خودشی کار سوء گفته نموشه.

اما دیگه کارها مثل زورگیری، خشونت یا اذیت کدو بخاطر دادو گرفت جیهزیه، پیش از ازدواج یا باد از ازدواج، یک نوع سوء استفاده گوته موشه. اکثرن ده وقت آزار و اذیت بخاطر جیهزیه ادعا مونن که یک نفر جیهزیه خود ره پوره نداده، ازو خاطر زن یا خانواده زن ره وادار مونه که بازهم پیسه زیافتتر یا بغچه خوره پوره کنه.

ده آسترالیا خشونت خانگی و تپ کدون عیال و بچه جرم و خلاف قانون استه. کسی که مرتکب ازپطور جرم ها شوه شاید که ده بندیخانه انداخته شوه، چه زن بشه یا مردگ.

اگه شمو یا کدام شنخته شمو در خطر بشید، ده شماره 000 پولیس تلفن کید.

پولیس ده آسترالیا محفوظ و اعتباری استه.

بلده مشوره مفت و محرمانه و دیگه مالومات به شماره 1800RESPECT یا 1800 737 732 تلفن کید

اگه ده ترجمان مفت ضرورت دشتید ده شماره 131 450 تلفن کید

دولت آسترالیا (Australian Government) ده هیچ شرایطی آزار و اذیت و خشونت بلده جیهزیه ره تحمل نمونه.

دولت آسترالیا (Australian Government) خشونت خانگی ره بسیار جدی میگره، بشمول آزار و خشونت بلده جیهزیه. هر آسترالیایی حق دره بدون خشونت، ترس و یا زورگیری زندگی کنه، ولو از هر مذهب، فرهنگ و یا عقیده که باشه.

آزار و خشونت بلده جیهزیه کارهای استه مثل ترس نشان دادو که به هدف کنترل کدون یک همسر یا خانواده شی استفاده موشه و امنیت از اوناره ره تهدید مونه.

اگه شمو دارای ویژه استین بازهم کمک گرفته میتنید.

یک همسر، عضو خانواده، یا کسی دیگه ده اجتماع شموره بخاطر ویژه تهدید نمی تنه.

اگه شمو دارنده یک ویژه موقتی همسر (سبکلاس 309 یا 820) و یا ویژه نامزادی بلده ازدواج (سبکلاس 300) بشین و بخاطر مسایل جیهزیه دچار خشونت خانگی هستین، در قانون مهاجرتی آسترالیا شرایطی وجود دره که بلده شمو اجازه مینه تا تقاضای ویژه دایمی خوره (سبکلاس 100 یا 801) ادامه بدید.

بخاطر جیهزیه کسی حق ندره یک نفر ره به زور به ادامه ازدواج وادار کنه.

اگر از جیهزیه به عنوان یک وسیله بخاطر اجبار کدون یک نفر به ازدواج استفاده شده بشه، بدون رضایت کامل و آزادانه خود ازو، اینگونه ازدواج ممکن جبری گوته شوه.

در آسترالیا هر نفر حق دره آزادانه انتخاب کنه با چه کسی و چه وقت ازدواج کنه. بازی دادو، تهدید کدو و مجبور کدو خلاف قانون آسترالیا گوته موشه. همچنین کمک کدو، تشویق کدو، و مداخله کدو ده ازدواج اجباری خلاف قانون گوته موشه، مگر اینکه خود شمو قربانی ازی کار بشین. هر نوع ازدواج رسمی، فرهنگی و مذهبی شامل ازی مساله استه.

ده آسترالیا خدمات مناسب فرهنگ شمو بلده کمک کدو وجود دره

ده آسترالیا **1800RESPECT** یک شماره سرتاسری خدمات مشورتی بلده تعرض جنسی و خشونت های خانگی است. این سرویس خدماتی مالومات و مشاوره سیری و محفوظ از طریق تلفن و آنلاین ارائه مونه. مشاورین به توره شمو گوش گرفته، سوالهای شمو به جواب موگه و شمو ره به خدمات مناسب ده منطقه شمو راجع مونه.

شمو میتنید که ده شماره **1800 737 732** تلفن کنید یا که ده ویسایت **1800RESPECT** www.1800RESPECT.org.au سر بزیند.

ویسایت **مای بلو اسکای My Blue Sky** ده آسترالیا سرتاسری استه و بخاطر جلوگیری از ازدواج اجباری، مالومات و خدمات حقوقی مفت ارائه مونه.

بلده تماس ده شماره **02 9514 8115** زنگ بزیند، یا ده شماره **0481 070 844** مسیج کید، و یا ده آدرس help@mybluesky.org.au ایمیل کید. یا که ویسایت **My Blue Sky** ده www.mybluesky.org.au سر بزیند.

مالومات زیافتز بخاطر خشونت خانگی و ویزه، ازدواج اجباری و قاچاق انسان ده ویسایت **وزارت مسایل داخلی Department of Home Affairs** در آدرس www.homeaffairs.gov.au مراجعه کرده و کلمه "ازدواج اجباری" را جستجو کنید.

ترجمان کار درید؟

ده شماره **131 450** خدمات ترجمانی تیس **(TIS) Translating and Interpreting Service** زنگ بزیند. یکی از ترجمان های (TIS) شمو به همراهی زبو کمک مونه تا هرجای کار دشتید توره بوگید. خود تیس خدمات مشاوره دهی ندره، سرویس از اینها مفت و سیری استه.